

noch vnuerruckten Zirckel hinweck / setze den einen Spitzen oben am Eckh
des Kanffes in .I. so wird der ander Spitzen in .a. anriren. Man r. isse
demnach von .a. vber den boden Puncten .*. bis in Δ . abermahlen ein
halben Zirckelriß durch die ganze Cubam hindurch / wo nun beede ge-
dachte Zirckelriß / zuvnderst in der Cuba darunden / nemlich en bey .*.
vber einander schlagen / vnd ein Kreuzlin machen / daselbsten so wird der
boden Puncten

.*. als der rechte mitlere vnderste Zweck gemacht (. wann alsdann dise/
also Creuzweiß vber einander gezogene Riß / rechte auff einander corres-
pondieren / so ist erweisen / daß auch die halbe Zirckelrundung just heraus
seye gedrehet worden.) vnd sollen obernannte .2. Hauptzirckelriß / mit
schwarzer Dinten durch die ganze Cuba hinaus / mit höchstem fleiß ge-
zogen / damit so ist sie / in ihr juste viertheil getheilt / zu vnderst im Puncten
.*. aber / so solle etwan eines halben Baken groß / rundes Kästlein hinein
gedrehet werden / damit allda / vnd just auff gedachtem Puncten .*. das
Magnetzünglin zuspilen / sein gelegenheit habe. Das

Fundament aber wird volgender gestalt / in die Cubam hinein gerissen.
Man nemte demnach die ganze inwendigere weite der vilbesagten Cubæ,
von .h. in .I. vnd mache eben ein dergleichen Zirckelriß auff ein besonders
Papir heraus / (. gleichwol vnd vmb ersparung des Places / so thue ich
denselbigen hiezugegen / nur gleich / jedoch nach seiner fläche / in die Cuba
hinein verzeichnen.) ziehe ein lineam Equinoctialem in der mitten
hindurch / die seye eben auch von orient gegen occident, bemercke die
selbige mit .a. vnd dieweil zuvor bewust / daß die ganze braite der Son-
nenlauff / durch die so vilfaltig gemachte Experienz, niemahlen vber ihre
.47. gradus geschritten / sonder vnd nach dem die hochvernünfftige Män-
ner / von so vil hundere Jahren hero / der Sonnenlauff mit höchstem fleiß
obseruirt, daß sie jederzeit obberürten Vsum vollzogen / vnd also dise
beede / weder den vndern / vil weniger aber den obern terminum, der offte-
besagten .47. grad an der braite / niemahla vberschritten hat / Dannen-
hero